



Хоньна
Михаил

1919 - 1981 г.г.

Хоньна Михаил (1919-1981)

Жирһлин хаалһ. Хоньна Михаил (Хонинов Михаил Ванькаевич) 1919 жилин нег шинд Баһ Дөрвд нутга Цаһан Нур хотнд угатя күүнэ өрк-бүлд төрсмн. 1937 жилд Өэдрхн балһснд Хальмгин эрдмин техникум төгскэд, Элстин хальмг драмтеатрт артист болж көдлсмн.

Үүдэлтин хаалһ. «Улан хальмг» газетин халхсар, 1935 жилэс эклэд, Хоньна Михаилин шүлгүд барлгдсмн. Түрүн шүлгнь- тер цагин күндтэ күч-көлсч адучнрт нерэдгдж (шүлгин нернь - «Адуч»). «Теегт үнн ирв» гидг нааднь «Улан баһчуд» газетд барлгдсн деерэн театрин сцен деер дээнэ өмн төвгдлө.

Дээнэ цаг. 1941-1945 жилмүдин Төрскән харслһна Аһу ик дээнлэ теегин зөрмг үрн Хоньна Михаил ах-дү болгч Белоруссин һазрт нерән туурулсн партизан болсмн. Тер цагин тускар «Миша Черный гиснь бив», «Смоленск һазр, чи эс меднч» гидг дегтрмүд алдршсн хальмг партизана зөрмг хаалһинь үзүлнө.

Партизана ротын командир йовад, Белоруссин Березина һол деер немш фашистнриг олар хораж, эврэ советск әмтән харсж авчасндан Улан Тугин орденер ачлгдсмн. Хальмг теегт үүдсн, Белорусь нутгт зөргнь тахшсн Хоньна Михаил, хойр келн улсин үрн болж әңкрлгднө. Тегәд чигн « Белорусь-эк минь!» гиж әрүн седкләсн һарһж бичлө.

Хоньна Михаилин үүдәврмүд тооһарн олн, сурһмжарн чинртө, келәрн хурц, байн. « Ээлтө улс» (хураңһу), тер дотр « Шуурһн» гидг келвр (хальмг малчнрин кесг үйин дамшлт), « Ухлястин көвөд»- олн тооһас зәрминь нерәдхлө-тер. Болв, хамгин товчта күцәврәснь « Тах» (« Подкова») гидг шүлгүдин хураңһу 1977 жилд Москва хотл балһснд барлгдсинь нерәдж болхмн.

Аһу ик Төрскни дээнэ ветеран, дээнэ күчр болн дүмбр өргмжтө цагин чилшго олн тодлврн сергәж, кесг шин үүдәвр бичж, олн умшачд белглх бәәсмн, зуг Михаил Ванькаевич Хонинов нәрн билгиннь хурц деерән, ик зураһан дуту күцәһәд, 1981 жилд өңгрв.




**Хоньна Михаил - зүн бийд
Баг-Дөрвд. 1930 жилин эклц**

**М. Хонинов, Б.
Манджиева, Э. Музраев,
Л. Мучкина.
Өәдрхн. 1936 ж.**



**Хоньна Михаил – Хальмг
исскуствин техникумин оютн
Өәдрхн. 1934 ж.**






**М. Хонинов –Хальмг драмтеатрин
артист .Элст. 1936 ж.**





Хальмг литературин болн сойлын өдрмүд Москвад.

Моһа сар, 1939 ж.



**М. Хонинов, лейтенант.
Белоруссь. 1943 ж.**





**А. М. Горькийин нертэ Литературн институт
Москва. 1975 ж.**



Хоньна Михаил өрк-бүлтөһөн.Элст. 1977 ж.

Хоньна Михаилаын үүдэврмүд



СУРЬУЛЬЧНРИН МЕДРЛ ШҮҮЛЬНЭ ТЕСТ.

1. Хоньна Михаил кедүдгч жилд төрсмн?
 - а) 1913ж.
 - б) 1905 ж.
 - в) 1919 ж.
 - г) 1911 ж.
2. Хоньна Михайлын төрсн һазр - усна нер чикэр заатн.
 - а) Тугтн ээмг
 - б) Көтчнр Шевнр хотн
 - в) Цаһан Нур хотн
 - г) Баһ Дөрвд
3. Эн үүдэврмүдиг орс келнд орчултн, жанринь йилһтн:
 - а) «Адуч»
 - б) «Чи медхмч, Смоленскин һазр»
 - в) «Элст – Таңһчимм хотл»
 - г) «Эцкимм һазр»
 - д) «Миша Черный – гиснь бив!»
4. Төрскән харсгч алдр дээнд нерэдсн бичэчин үүдэврмүд заатн.

Олзлсн литератур

1. Мушанова Л.Н., Шуграева В.К. «Бичэчин туск үг» - Элст, 2007
2. Хонинов М. «Мои стихи , как эстафету, степные ветры понесут по свету...» [Электронный ресурс] : мультимед.изд / сост.Р.М. Ханинова, компьютерный дизайн : Ю.С. Мацаков, Р.М. Ханинова, И.И. Идзибагандов.-Элиста: нац.б-ка.-1 диск (CD-ROM)